

中國方志叢書·華中地方·第四八二號

據

明·范涑撰
明萬曆三十年刊本

影印

浙江省

兩浙海防類考續編

(一)

成文出版社有限公司印行



10101954

中國方志叢書·華中地方·第四八二號


據

明·范涑撰
明萬曆三十年刊本

影印

浙江省

兩浙海防類考續編



成文出版社有限公司印行



10101953

中國方志叢書·華中地方·第四八二號


據

明·范涑撰
明萬曆三十年刊本

影印

浙江省

兩浙海防類考續編



成文出版社有限公司印行



10101952

中國方志叢書·華中地方·第四八二號

據 明·范 涑撰 影印
明萬曆三十年刊本

浙江省

兩浙海防類考續編



104
成文出版社有限公司印行

中華民國七十二年三月臺一版

兩浙海防類考續編

共四冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

兩浙海防類考續編敘

督撫任丘劉公持中丞節填兩浙浙郡邑強半
瀕海維時島夷躡蹙屬國議援議防浙當十
五濟師增餉無虛畧夷狡叵測衆亦吠聲浙
東諸郡旦莫廩廩若餘皇斥候卒薄郊圻十
餘年間浙無患形而患聲

督撫公示鎮靜以救寧諸軍而陰懲恣防守具
豫遏夷釁滄溟不波八年於茲會屬國既靖
罷援師浙稍息肩

督撫公瞿然曰防之此其時矣語防海使今右
轄范公曰浙掌故有防海類考曷芟增定萬
世規昔初今更則芟昔略今詳則增牘不增
而標註增者為輿海哨道諸圖目不增而事
增者為糧餉犒賞諸目目不殊而事殊者為
稅監等事事文省而目增者為使貢捷節諸
考船器圖說總之詳於見行而略於曩沿詳
於本省而略於附見取備實用匪第博綜已
也編先四卷今為十卷卷倍類考文亦稱是

命曰海防類考續編不佞辰適待罪浙藩與
剗刷之後反覆竟讀竊有概於防之義防之
言豫也防於可防之地易防於無可防之地
難防於無可防之時易防於有可防而無可
防之時難可防者形也無可防者聲也東南
防海西北防陸陸有刁廬騎塵關城甲楯蘖
芽一動形埒昭然故曰易也若乃滄海巨浸
沃湯千里天水寥渺山島竦峙其來無端其
去無涖故曰難也浙有防海之役昉於嘉靖

壬子數十狡孽跳梁吳越若匪虛賴歛胡公
底定懲前鑒後防稍稍密不過候風汛禦剽
舟非果有壓境之夷旁而伺我也故曰易也
關首據王京而海上沸聲自膠東遼左移浙
矣計道里抵夷窟浙與膠萊等且無屬國為
之藩乘風溯潮不數日舟泊金塘大榭間巨
測也防已亟見為周章而多事防已疎一旦
決裂不及制故曰難也地難時又難

督撫公處之無難復與先後

臺察馬公

吳公

周公慮切同舟計先未雨察幕肅共拱揖受
成固神靈威武默以折衝至其畫一周防可
規萬世則續編具在夷狡以聲我鎮以形形
聲之變不可勝窮彼以形來我以無形應彼
罷而窮於形之外彼以聲來我以形應彼局
而困於形之內浙事在形聲間我形常攝彼
聲自謚在防海者得是編而善守之爾民歌

平陽曰蕭何立法黷若畫一曹參代之守而
弗失載其清靜民以寧一敬書簡端以詒來
者

萬曆壬寅仲冬吉日

浙江等處承宣布政使司左布政使前翰林
院庶吉士平陵史繼辰頓首謹書

兩浙海防類考舊序

島夷之為濱海患其來久矣我

國家創業之初南之備倭與北之備虜經畫
詳悉無異此其英謀遠慮良非恒情所能
窺測其萬一也承平日久諸島波靜士大
夫之議每不及於南中國之所以斥堠而
守者將盡其藩衛而撤之嘉靖壬子間二
三狂孽勾引內犯走吳越數十州郡如出
入無人之境中外咸已騷然嗟殆哉時

世皇帝赫然震怒大徵天下材官騎士選督更
帥費江南財粟百餘萬始克斷蛟馘鯨宣
威海上南顧之憂少舒自茲以後兵馬餽
餉烽堠墩亭軍械樓船賞罰練習視昔大
備載在籌海圖編及海防考者皆可披閱
而知也迨今垂二十年兩浙沿海之區已
稱寧戢而時異勢殊因革消縮之不常規
議更移之靡定其行事上下稽之往牒大
不相符受責任事之臣能無隱憂於此

兩浙海防類考舊序

島夷之為濱海患其來久矣我

國家創業之初南之備倭與北之備虜經畫
詳悉無異此其英謀遠慮良非恒情所能
窺測其萬一也承平日久諸島波靜士大
夫之議每不及於南中國之所以斥堠而
守者將盡其藩衛而撤之嘉靖壬子間二
三狂孽勾引內犯走吳越數十州郡如出
入無人之境中外咸已騷然嗟殆哉時

世皇帝赫然震怒大徵天下材官騎士選督更
帥費江南財粟百餘萬始克斷蛟馘鯨宣
威海上南顧之憂少舒自茲以後兵馬餽
餉烽堠墩亭軍械樓船賞罰練習視昔大
備載在籌海圖編及海防考者皆可披閱
而知也迨今垂二十年兩浙沿海之區已
稱寧戢而時異勢殊因革消縮之不常規
議更移之靡定其行事上下稽之往牒大
不同符受責任事之臣能無隱憂於此乎

或曰陸渾之戎別其種類而詳書所勝所
敗之由傳者曰正其名者非他欲天下後
世知其種類之謂何而制禦之方可施之
于不悖聖心之不忘遠至今可以想見若
此是書之纂言辦事核而考究甚詳予度
公之心其憂深思長將貽後人以久遠之
利也與使後之繼此者取圖牒一展讀之
往事昭昭若覩茫茫千里之巨浸可須臾
亡備我備不弛則患不生雖歷百年如今

日可矣慎無曰鯨濤不作可以無事而去
兵減食以要節省之名俾前時臨渴掘土
之弊茲復蹈之也已伯輪不佞僭題于篇
端併以告諸守封疆者

萬曆乙亥仲夏吉旦

浙江布政使司右叅政前奉

檄督學校甌寧滕伯輪謹書